

雞

肋

集

謹以此書呈獻
吾師陳季先生

目次

鄭子瑜先生序	1
野步	4
東郊	4
偶作	5
詠懷	5
雨過	6
奕棋感言	6
慈悲吟	7
海外篇	8
天寒懷亡兄	9
寄松齡	9
謝書	10

悼亡友卓明

感賦

堤花

贈黃松齡四首

醉後四首

異鄉寄簡二首

哭亡弟汝儀廷均八首

長夜有感

春雨三首

馬崑坡

清明悼亡兄廷基四首

錦瑟怨二首

元宵三首

傷別三首

17 16 16 15 15 14 14 13 13 12 12 11 11 10

元夕述懷四首

懷人二首

無題四首

懺緣

西湖絕句五首

望月有感

擬樊川長安六首

金縷曲

解連環

兩闕

前調

答黃松齡

滿庭芳

雨霖鈴

高陽臺

沁園春

北歸舟中

序

昔歐陽永叔嘗言：「余聞世謂詩人少達而多窮，夫豈然哉？蓋世所傳詩者，多出於古窮人之辭也。凡士之蘊其所有，而不得施於世者，多喜自放於山巔水涯之外，見蟲魚草木風雲鳥獸之狀類，往往探其奇怪；內有憂思感憤之鬱積，其興於怨刺，以道羈臣寡婦之所嘆，而寫人情之難言，蓋愈窮而愈工。然則非詩之能窮人，殆窮者而後工也。」豈哉言也！

李子廷輝，少負才識，於諸子百家之學，無所不闕，而獨覈於莊子，不苟其一言。顧手足松丘，輒軻不遇，類梅子聖俞，輒抑於有司，困於容膝，而捫其所懷。故其爲詩，多憂時愍亂，悼亡傷別與夫不平之鳴。自謂少時學詩，頗擬謫仙，洎知謫仙之不可學，乃轉耽於清季三傑，清季三傑即黃公度、夏穗卿、蔣觀雲，見梁啟超「飲冰室詩話」。復上溯白氏長慶

集，與乎魏晉南北朝之詩；顧已融會貫通，卓然自立者矣。

氏之爲詩，俗而不陋，哀而不傷。或感時不濟，發爲憂思，如「望月有感」句云：「河山舊夢音書少，明月清輝冷露多」；或懷古之情，隱然紙硯間，如「馬嵬坡」句云：「殷勤應是驪山月，千古寒光映馬嵬」；時或有晚唐意味，如「堤花」詩云：「閒雲千里靜，日日傍山來，醉後堤花晚，宮黃半未開」；時或近於宋人之說理詩，如「擬樊川長安六首」句云：「光復原非芻狗事，虎狼來去總難生」。凡此皆所謂窮而後工之作也。

第余於氏之爲詞，尤所激賞，蓋以其能兼婉約與豪放之勝，又能別出機杼，自鑄新辭。如「解連環」句云：「遠書頻促，信心長語重，情傷幽獨。」又同調別闕句云：「正歲暮葭管吹寒，對媚水嬌山，半添愁苦。」又云：「願今宵桂華如水，照人歸路。」又如「高陽台」句云：「細雨迷濛，曉寒難耐，遠鐘夢醒更殘。」又云：「書生意

氣悲如許，悵湘絃絕響，舊曲重彈。似水年華，風懷老却潘安。」余固不欲倣任公語，以爲氏之爲詞，足與宋人亂楮葉；然其詞格之高，當非尋常作家所能及也。

氏嘗執教於新大，課諸子之學。近著「心物相融初探」，張君勸氏譽之爲當世罕見之作。其爲詩，僅以餘力及之，未嘗欲自以詩鳴。老子曰：「己不欲，而愈多。」蓋不鳴而自鳴矣。是爲序。

丙午春日龍溪鄭子瑜序於星洲。

野步

繁花生密樹。春滿散馥郁。予亦乘高興。閑雲若相逐。羣峯越野來。清響發幽谷。安得一茅檐。長在此中讀。世情雖云惡。豈效窮途哭。心志自不渝。此意常在蜀。世業倚風雲。九霄奮黃鵠。

東郊

步出城東隅。流澗清且淺。煙林含靄日。飛鳥沒層巘。緩步行幽畦。野花雜春蘚。雙雙上林鳥。相悅聲燕婉。顧彼營營者。何事織蠶繭。太古多義皇。高風一何遠。却捨風雲志。摘纓棄軒冕。念昔城東遊。何以哀黃犬。白日已當頭。修竹影遲短。憤懣休復道。歸來展舊卷。

偶作

讀書已大苦。誇強更學詩。師友相勸勉。意興云自隨。五日輟未彈。臨絃苦攢眉。忽然得佳句。心氣和且夷。擬古或摹今。並可發天機。有時思乙乙。曠日神不怡。有時書古人。雕琢弄媚姿。有時却仰慕。或壯或幽悲。聞戰心胆懾。所志常臯夔。自少本道貌。與世輒相遺。芸芸衆生相。昧昧我思之。口呿目不瞬。家人常笑痴。實無李杜筆。尚擬比韓碑。劣驥初試鞍。一縱狂奔馳。善御難收拾。力竭神且疲。異哉造化功。何用此物爲。

詠懷

班荆久契濶。念殷情倍發。所求屢屯遘。煩憂安可歇。皎皎桂華明。凜凜催時節。安得遺遠者。乘風共攀折。攀折多苦心。拳拳意鬱結。

所志在青雲。所思固皎潔。世亂無義皇。貌愚心狡譎。誰能如桂華。依時歷圓缺。誰能似吳剛。意志堅瑜鐵。秋歔終無補。緩驅齊鴛劣。

雨過

雨過泉皎潔。幽柯散清香。層巒積潭月。古廟閔瑤光。坐久思欲絕。起立自徬徨。舉目向天涯。親故在異鄉。撫形覺慚作。日月逝何方。良朋去復遠。儼若參與商。高雲奮威鳳。下視無修篁。今古同此心。何必自悲傷。仁人安天命。逐物兩相忘。

奕棋感言

夜深不能寐。起坐敲盤棋。寒風襲薄袖。流霜侵檻帷。控縱知誰勝。飛馬難解圍。烏江凝碧血。吳戈奪戰輝。君言不得意。南北常苦棲。念彼陰雨濛。掩涕何苦悲。寰宇豺虎號。龍蛇當路廝。背水雖云勇。

捨我胸中奇。慷慨英豪氣。旄旗今古揮。留此一寸心。願報三春暉。
君誠懷壯志。高節自矜持。慎毋傷膚體。且卸腐儒衣。白日鷗鷺盡。
際會風雲知。

慈悲吟

南洋多豪富。膠錫盈倉庫。月入累百萬。賦稅自有數。量珠雙角山。
得新便棄故。爭寵鬥嫵媚。讒譖互嫉妒。或馳車過市。威猛如狼虎。
櫻唇兼楚腰。袅娜金蓮步。流連飲醇醪。蠻舞過夜午。挾妓天明歸。
一覺又日暮。或幸大社團。八仙博貨賂。高喝呼盧雉。酬答行商賈。
用是積功德。玉紳堪羨慕。民飢能施粥。移殖頻相顧。爾民之利益。
公會爲爾護。以此咸感激。示謝俱依附。諸公真慈悲。賤役我能赴。
日唯求兩餐。夜唯求一住。世世爲勞力。兒女毋教傳。炎荒好天氣。
單衣可粗布。主人連雲宅。我家對門住。主人如有用。一一依吩咐。

海外篇

海外有天國。百歲蓬萊通。文物光四表。苞茅盡北供。數刊忽至今。屈辱嘆途窮。頭會箕斂輩。毒辣如蛇蜂。不耕坐收穫。復逞其頑兇。爰有無耻俚。諂媚呼祖宗。鬼前甘匍匐。人前如虎龍。煎迫其同類。利在則交攻。苟能成寇資。頤豐德聲隆。榮策腰玉紳。出入多雍容。侯門富權略。及時而試鋒。上下皆無過。近有某相公。四方俱圓滑。吾翁即若翁。同是自由人。創國允執中。格爾異種民。朕命唯率從。慎毋曠爾志。毋故步自封。雖族通婚媾。爾念應大同。戮力除暴亂。七載圖豐功。慎厥始。維其終。嗟乎高論何顯赫。侈言定亂資兵戎。黃禍白禍相復作。哀哀諸公莫怛惚。

天寒懷亡兄

一夜風蕭瑟。繁英帶雨吹。露苔竊私語。斷續相淒悲。起吟白馬篇。
擁被增歎歎。撫膺且嚙臂。結氣舒哀微。思深長徘徊。燭殘雨聲稀。
尋步見庭月。渺然流光飛。昔逢太平世。相樂共忘機。濡染操大筆。
嫉世陳高辭。胸懷廿八宿。驅策十萬師。擊折玉量尺。敲碎玉盤棋。
焉知未十載。泯滅英武姿。即今多秋露。夜臺宿草滋。寂寞江山冷。
纍纍傾落碑。不堪掩涕誦。相煎燃豈其。

寄松齡

黃生重意氣。相處若蘭蕙。判襟闊音問。歸期難早計。當仁常不讓。
坎坷念前惠。聖言在忠恕。悲智明佛慧。弱歲冠文墨。同心究經藝。
哲門茂桃李。鵬翼風雲際。德盛風且厚。圖南遽遐逝。靈秀擬鶴舉。

繳弋空羨羿。習習寒冬至。君子賦豈弟。彈纓謀嘉會。黃生自勉勵。

謝書

先生來二札。舊雨一尺書。深交能盡言。知我多艱虞。行將改道路。悔遁反厥初。始志窮溟海。振翼不能舒。鬱鬱京華客。翹首望北都。遠遊雖有方。家糧無月餘。所願兄弟輩。柴扉可安居。

悼亡友卓明

我昔期皓首。三冬事龍蟄。念當因風舉。乃隨百草汨。生我者父母。肝腸得無裂。馬齒日衰頹。親恩從此絕。悠悠白雲飛。三五見明月。死別終不還。明月有圓缺。蕭瑟日將暮。流焱何飄忽。夢中萬里行。醒後疏星列。

感賦

先生生爲曠世才。百樹桃李一樹梅。入門我血沸五內。四目四聰茅塞開。豪論古今誇百家。如雷瓦釜閼夷華。百氏下酒酤一斗。爲學惟孔爲無瑕。生當豺虎縱橫日。中原處處起龍蛇。志士豈能效隱遁。空懷血氣歲月賒。瘡痍滿目應涕淚。蹢躅門牆徒咨嗟。願將一臂搏難力。借取井刀治亂麻。心長力短多慷慨。奇意謫句烘朝霞。遂使南園英傑輩。嗤吾枉道行橫邪。

堤花

閒雲千里靜。日日傍山來。醉後堤花晚。宮黃半未開。

贈黃松齡四首

紅花開滿眼。三月氣清新。相見復相別。雨多憶故人。
千燈照海水。半月瀉清銀。一夕聆君語。天涯又幾春。
沙岡觀落日。樹頂暮雲閒。何日重來此。一登武威山。
荀卿遊稷下。我乃出西洋。重會傷三十。青絲鬢有霜。

曰人名武吉智
嗎爲武威山

醉後四首

一瓶真地獄。地獄有天堂。鬱結積成習。汪洋不可量。
昔日蘇文惠。癡狂兒女間。六根猶未盡。淚雨滿枯顏。
買酒消愁恨。愁心更酒纏。一刀斷未了。三世怨姻緣。
涕淚年年積。一朝似酒傾。酒濃摧臟腑。淚淡若平生。

異鄉寄簡二首

漫說愁如海。家書淡若冰。秋深母作客。長路又伶仃。
朝朝風雨急。冷露漬人衣。舉目惟夷色。今知背井悲。

哭亡弟汝儀廷均八首

骨肉情宜厚。平生衣食疏。來時命既苦。何忍遽長沮。
艱難曾三十。薄酒祝前途。今夕矜初誕。明朝落莽芻。
由也天生直。誠同日月長。莊容兼善行。親故固悲傷。
少小同形影。成年兩翼持。胼胝藜與藿。分飽亦分飢。
檢點無遺物。遺骸天地間。身旁零落事。一褶血衣斑。
手足三亡兩。何尤賦命乖。長兄無剩體。弱弟失完骸。
墳前洒淚筆。完德幾親哀。手挿馨香者。枯中掛墨綬。
爲亡弟撰墓聯云：誠同日月恆無古。哀滿乾坤淚有親。

弟兮寧別矣。暫寢碧亭山。異日收慈骨。長安左右間。

✓ 長夜有感

石涼風瑟瑟。新月結明晴。向曉洪潮急。愁心競水生。

✓ 春雨三首

碧雨春來尚黯然。青山連水水連天。偶來故道尋相識。煙市猶翻舊管絃。

年年歲歲幾新知。半是閒花半是詩。塵世苦勞緣一夢。黃昏爲爾尚矜持。

大好年華莫自傷。莊生齊物費周章。春風雨露花枝發。一旦扶搖脫穎囊。

馬嵬坡

霓羽歌殘互鼓催。金柯夢斷有餘哀。殷勤應是驪山月。千古寒光映馬嵬。

清明悼亡兄廷基四首

燈深夜雨悄無言。大母稚孫兩不存。有弟豈堪人白眼。攢眉低首造權門。

詩書重讀費吟哦。聽我唾壺擊缺歌。尊酒傾來兼淚墨。阿兄何故自投羅。

家有薄田寄異鄉。忍心萬里別紅妝。爲言來日長相伴。誰念春閨枉斷腸。

自小慈親愛若珠。時罹疾病痛肌膚。一朝落拓天涯旅。隱似晨昏兩飯呼。

錦瑟怨二首

鵲舌嬌娃未解詩。偷聲減字倩誰知。相如詞賦張生筆。不善丹青善畫眉。

商隱心情杜牧年。
淒涼人對淒涼天。
都因紅粉拋青眼。涕淚雙雙落玉肩。

元宵三首

一溪春雨月如煙。瀟洒雲衣降玉仙。漫說天涯羅綺夢。清輝依舊總堪憐。

相思鬢影在花陰。好摘繁英帶笑簪。冰玉尚嫌脂粉色。江潭千尺此情深。

年華如約欲雙成。弄玉秦簫似水聲。乍見人間謫妃子。清歌化作羽衣輕。

傷別三首

細雨寒宵桂月遲。銀燈波影映青絲。陳王結佩无仙骨。遂使明璫誤洛姬。
荏苒流光五月花。西風吹訊到誰家。娉婷人去憐山水。幾度冰霜老物華。
蕭騷夏雨漲煙潮。雙鯉緝緝約玉簫。多謝梅花心一點。兩朝才隔夢三宵。

元夕述懷四首

濤聲拍岸心悽惻。月滿長灘憶別離。寶臘雲裳初見面。梨霞人靨幾多時。
多情原是負情郎。晝暖花香記小堂。難得沛然天作雨。夜深不去滯紅妝。

身世應將說與聽。小時曾記住金陵。只因寇亂來南海。手足傷亡最恨兵。

琴聲夜暗倍鏗鏘。欲續停彈語更長。幾度書來相問訊。將詩譜樂兩商量。

懷人二首

當年相約兩無猜。生則同衾死共埋。淚眼音書長別後。艱難歲月未開懷。

沈腰潘鬢兩摧磨。二十青春放眼過。賦得愁詩腸斷句。一天慘月憶銀河。

無題四首

看澈色空真境界。頻年涕淚識菩提。袈裟一鉢存靈性。失意毋須學阮

稽。

三郎身後綺文章。暮鼓晨鐘意更傷。我本多情清世祖。黃衣不掩淚浪浪。

慈顏白髮三春暉。問暖寒時餓問飢。大法未教傷父母。超難留世兩皆違。

涼風長夜倍徬徨。憂患何須責濫觴。哭到狂時撕碎髮。一天明月慘如霜。

懺緣

一生苦樂此中懸。師傳殷勤語萬千。事未臨眉焉識悔。枕衾斑駁淚濺濺。

西湖絕句五首

垂柳拂頭過白隄。紫陽初墜北高西。涇欄不辨涵和水。忍聽濤聲入暮
淒。

涼風漸送春消息。十里西湖舊恨多。經雪紅梅花再發。此心不發奈花
何。

流華如洗跨虹橋。潑灑金波夜色嬌。愁望三潭空寂寂。一聲碎夢是歸
橈。

幾家燈火散流光。欲望還啼更斷腸。酒到酸懷清且冷。兩隄長夜自徬
徨。

悲歡展轉到中年。悵望前頭路幾千。恩怨不明湖裏月。圓中殘缺缺中
圓。

望月有感

一年歸去歡今夕。人事匆匆意若何。漫說生涯堪涕淚。應憐壯志漸銷磨。河山舊夢音書少。明月清輝冷露多。莫任慈親遺海外。聲聲淒苦誦蓼莪。

擬樊川長安六首

雄視羣南氣若獅。此關天下最稱奇。西凌緬甸通歐狄。東去扶桑控美夷。北毗大唐兼暹越。南鄰廣澳帶婆尼。由來喉舌皆名鎮。一島皇皇百海司。百冊年前漠漠荒。於今宇內竟無雙。萬舵排霧如雲密。千翼飛聲似鼓張。貨擁街衢隨處市。門懸牌匾逐家商。自從米旆來帆船。開利流資氣運昌。

君子彬彬萊佛士。開疆闢土到滇南。江山原屬一人事。龍座居然兩虎耽。狡獪素稱英使術。愚蒙最嘆小酋貪。從來鷸蚌觀漁利。青史何勞記內慚。

蒼鷹一怒八絃驚。五海中分屬玉京。南斬黑黎開廣陸。東凌黃族掃羣瀛。三軍屯駐臨獅島。百將龍盤據虎城。剖判以來曾未有。兩洋門戶固縱橫。

皇軍如蟻竟南侵。高唱同榮見賊心。明治當年圖大計。昭和今世倍驕淫。雄關兩月猶瓶破。壯士三師似蟹擒。從此米旗知落日。淒涼海狗命消沉。

光復原非芻狗事。虎狼來去總難生。弧登處處傳佳訊。龍盾方方布好聲。霹靂晴空驅白日。簫條愁雨墜金城。義皇舊有含哺意。豈料人間尚未平。

金縷曲

滿目青山媚。惹平生。悲歡無限。將春天氣。試入輕寒隨夢去。冉冉閒花滿地。趁啼鳥。疏星漸墜。萬里流雲輕抹月。念鄉關。棖觸興亡淚。長夜怨。含深意。無端寂寞須拋棄。儘由他。天南地北。花飛風起。舊日襟懷今日事。此恨此情何既。且翻悔。任伊沉醉。自古青絲渾易老。早安排。共劃羣魔計。金鋒刃。今當試。

解連環

遠書頻促。信心長語重。情傷幽獨。待寄與芷郁蘭芳。正春滿河山。亂紅繁綠。未減風華。又傾吐彩箋珠玉。想飛雲流響。新詞淡酒。此時清穆。應憐舊時雁侶。賸如今寥寂。何堪棖觸。待夢裏波暖尋花。對瑤樹迴風。山重水複。暮雨溟濛。都不管洛城淒曲。但相看英氣銷磨。悲填恨續。

前調

答黃松齡

月明如故。復陶然三五。幾番風雨。正歲暮葭管吹寒。對媚水嬌山。半添愁苦。夢遠神勞。素霞便教人棲處。想流鶯啼遍。暮春多怨。尋思無語。蛾眉堪嗟久去。問人間何世。暫留君住。漫說與飛雁游魚。待他日相期。寸心重吐。玉露鄉情。怕萬里相思無據。願今宵桂華如水。照人歸路。

滿庭芳

一塚孤寒。三秋蘭願。何堪轉眼滄桑。吞聲飲恨。賦筆動江郎。誰解魂招楚些。歸來也。月冷炎荒。青霞意。烟消雲斂。修夜幾時暘。死生猶旦暮。霜寒碧血。涕淚浪浪。怕恁時此地。兩處都忘。淒絕手栽桃李。竟拋却。難自成行。憑誰問。冤沉宿草。埋沒芷蘭香。

雨霖鈴

涼雲凍雨。綠波深淺。風剪荷碎。層陰十里芳草。飛蒲墜粉。天涯歸路。爭奈淒涼一點。都隨夢飛去。歎移柳。摧折無端。碧夜溟濛舞金縷。青春已被功名誤。爲生涯。更攢眉千度。低徊幾許斜照。曾誰見。此時甘苦。家國煙雲。年去年來舊願誰負。又鬢影一寸相思。寂寂花深處。

高陽臺

細雨迷濛。曉寒難耐。遠鐘夢醒更殘。萬里柔情。佩環今夜初還。臨風猶記春波暖。對春波。別易期難。想當年。一片冰心。二十朱顏。書生意氣悲如許。悵湘絃絕響。舊曲重彈。似水年華。風懷老卻潘安。多情容易增傷感。悔當初。苦不緣慳。恁摧磨。長恨宵宵。涕淚漣漣。

沁園春

北歸舟中

噴血初陽。吞金飛艦。放暖波濤。破穹蒼萬里。撕雲千尺。旌桅北點。
。雄風南逃。鷗削天眉。魚騰海眼。飛躍縱橫碎軟翻。且昂頭。正神
京入望。禹水奔號。滔滔古鑄今淘。環天府長嵐翠貌嬌。數葡戎西
甲。教傳利斬。荷輪英舶。暗剝明剝。繼絕存亡。童男初壯。大計同
榮倍養養。俱梟貌。待貞觀德澤。王道饒饒。